

## **DETERMINATZIONI**

**Ogetu: CUNFERIMENTU INCÀRRIGU LEGALI AB. PIETRO FLORIS - RECURSU A SA CORTI DE APELLU DE CASTEDDU PO SA RIFORMA SENTÈNTZIA N. 1633/2022 DE SU TRIBUNALI TZIVILI DE CASTEDDU R.G. 1960/2014.**

Determinatzioni Nùmeru 1488 de su Registru Generali de su 15/11/2022.

Su Dirigenti detèrminat:

1. DE AFIDAI, po su printzìpiu de cunsecuentzialidadi, su defensori in su protzedimentu de primu gradu, a su Stùdiu Legali Assotziau Floris Giacardi cun sedi legali in Torino, assentau in s'elencu de is abogaus de su Comunu, cun prestatzioni de parti de s' abogau Pietro Floris, s' incàrrigu de presentai recursu a sa Corti de Apellu de Casteddu in s' interessu de s' Enti, po sa riforma de sa sentèntzia n.1633/2022, pronunziada de su Tribunali de Casteddu cunforma a su protzedimentu RG 1960/2014 [...] + 1c/ Comunu de Quartu S.Aleni, po otènniri s' esclusioni de su Comunu de sa responsabilidadi atzertada de su Tribunali;

2. DE APROVAI, ca est cunforma a is paràmetrus de su Decretu Ministeriali 55/2014, su schema de partzella;

3. DE IMPINNAI cun custu atu etotu, a favori de su Stùdiu Legali Assotziau Floris Giacardi, sa summa de € 6.973,16 chi cumprendit is gastus, is aciuntas cunforma a sa lei, contributu unificau e marca de bullu;

4. DE ASSENTAI su gastu de € 6.973,16, aici comentu inditau in s' Atestau de cobertura finantziària, chi fait parti de custu documentu etotu, in su capìtulu 10801 “onoràrius e gastus de càusa” de su bilàntziu 2022/2024 – tzentru de costu 16.30.00006;

5. DE TRASMITI custu atu a su Setori 2 “Programmatzioni econòmicu finantziària – compudu de gestioni - compudu partetzipadas”, po s' achisitzioni de sa regularidadi contàbili cunforma a s' art. 183 de su D. Lgs 267/2000.

SA DIRIGENTI DE SU SETORI Lorena Cordeddu  
Quartu San' Aleni, su 15 de onniasantu 2022